



Uhapšen Mirzet Omerović

Po nalogu Tužilaštva BiH, jučer je na području Sarajeva uhapšen Mirzet Omerović (1974), osumnjičen da je počinio krivično djelo otkrivanje identiteta zaštićenog svjedoka.

Hapšenje, po nalogu tužioca iz Posebnog odjela za organizirani kriminal, privredni kriminal i korupciju Tužilaštva BiH, izvršili su policijski službenici Državne agencije za istrage i zaštitu (SIPA). Protiv osumnjičenog Tužilaštvo Bosne i Hercegovine provodi istragu zbog postojanja osnovna sumnje da je počinio krivično djelo otkrivanje identiteta zaštićenog svjedoka

u predmetu Naser Orić i ostali. "Osumnjičeni će u zakonskom roku biti predat Tužilaštvu BiH, gdje će biti ispitan, nakon čega će odlučiti o pokretanju prijedloga za određivanje mjere pritvora ili mjere zabrane u skladu sa zakonom", saopćeno je iz tog tužilaštva.

Orić i Sabahudin Muhić optuženi su da su kao pripadnici Teritorijalne odbrane (TO) ABiH učestvovali u ubistvu tri srpska zarobljenika 1992. godine u mjestima Zalazje, Lolići i Kunjerac. Prema optužnici, Orić je bio komandant štaba TO ABiH, a Muhić pripadnik tih snaga.